

in certis quibusdam adjunctis incitat nos; veritas etiam est catholicae fidei, mulierem non esse hodie sicut Heva Mater ejus in statu innocentiae, quia et ista velut formata e latere Adami innocentis, sine peccato similiter inveniebatur, sine concupiscentia quoque, quae ad illud allicit. Uterque hac de causa, vitam agebat in glorioso innocentiae statu, ita ut nudi erant ambo, et non erubescabant; quoniam oculi ejus cooperti erant velamine justitiae originalis; uno verbo, veritas est ad catholicam fidem pertinens, quod omne genus humanum ex Adamo et Heva originem duxit, et consequenter hominem peccatorem nasci, tanquam descendentem a suis protoparentibus praevaricatoribus.

Nos hæc sublimia, &c.

R Deo gratias.

R Potentissime Sancte Joseph, defende nos in praelio,* contra nequitiam et insidias diaboli esto praesidium, atque impera illi ne roceat nobis. V Tu potentissime Joseph, Satanam aliosque spiritus malignes, qui ad perditionem animarum filiorum tuorum pervagantur in domibus nostri Instituti, divina virtute in infernum detrude. Contra....

DIA 21 DE ENERO.

LECTIO I.

—EX PATRIBUS.—

Joseph, filius David, non tantum carne, sed fide, sed sanctitate, sed devotiene, quem tanquam alterum David, Dominus invenit secundum cor suum, cui tuto committeret secretissimum atque sui cordis arcanum. *Ber.* Joseph inquit vir ejus cum esset

justus; justum pie in omni virtute dicit esse perfectum. Joseph adhuc sub lege vivens supra legem philosophabatur.—*Chrysostomus.*

Nos hæc sublimia, &c.

R Deo gratias.

R Quid est noster divinus Joseph in coelo et in terra? *Fateor si linguis angelorum et hominum loquar. V Hoc tamen fieri non possem, quia major omni laude certissime est.—Fateor.

LECTIO II.

MARIA ET JESUS SUNT ABSQUE PECCATO ORIGINALI.

Hujus vero regulæ generalis exceptionem facere debemus, amplectentem in primis, Christum Dominum Nostrum qui quamvis esset verus Homo, tamen ut de Spiritu Sancto conceptus, imo vero hypostatice cum Deo unitus, hanc originis maculam habere non potuit, quam Ipse de coelo descendens sua Vita, Passione et Morte ab hominibus delendam decrevit.

Excipere etiam debemus de hac generali regula Virginem Mariam, quia enim cum Verbum Divinum sua carne in tempore induisset virginali, et ille apparuit nobis tanquam Verbum Incarnatum indignum erat Sanctitati Divinae carnem induere quae per aliud, quantumvis minimum temporis spatium, peccato contaminata fuisset. Hæc vero propositio jam ab origine Ecclesiae pietate redolens in honorem Beatissimæ Virginis Mariae desponsatae Josepho in diebus nostris veritas catholica est, quia doctrina quae docet Sanctissimam Virginem Mariam absque originali macula conceptam fuisse, a suo primo instante, tanquam dogma fidei definita fuit a Pontifice Maximo Pio IX.

Nos hæc sublimia, &c.

R Deo gratias.

R Ait Angelus ad Joseph: Surge et accipe Puerum et Matrem ejus et fuge in Ægyptum,*et esto ibi usque dum dicam tibi. ¶ Vocavi Filium meum ex Ægypto, ut cum Salus Israel veniat, oriatur et etiam in toto orbe terrarum, et per eam omnes homines salvi fiant. Et esto....

LECTIO III.

VIDETUR JOSEPH IMMACULATUM, QUIA EST
DE SACRA FAMILIA.

Nunc ergo interrogandum venit, utrum exceptio hæc regulæ generalis simili modo concedi potuit, Sancto Domino Josepho? Utrum, melius dicam, gaudio audire poterunt catholici fideles ac ineffabili laetitia pleni, quod Dominus Sanctus Joseph, etiam sine macula originali conceptus fuit, habens in hoc similitudinem cum sua virginali conjugè Maria? Nobis videtur hoc affirmari posse in multis rationibus fundamentum habentibus, ex quibus primam tantum nunc seligimus affirmantem tamen modo specialissimo non esse intentionem nostram aliquid afferre adversus fidem catholice Ecclesiæ, et præcipue illud adversus quod in Sancta Tridentina Synodo statutum est. Ecce ergo rationes de quibus locuti sumus:

1^a Quamvis Sancta Tridentina Synodus de omnibus hominibus loquatur in genere assumptis, et quamvis nullus eorum in suo numero non comprehendatur; videtur autem illam infallibilem Veritatem seligere voluisse inter omnes Sanctum Dominum Josephum, qui cum de facto ab omnibus hominibus

segregatus esset una cum Jesu et Maria unicam hierarchiam efformat, et tres simul sumpti id est Joseph, Maria et Jesus, Sacram Familiam constituunt. Igitur cum sit Jesus essentialiter impeccabilis, et Maria etiam per gratiam et privilegium, videtur quod Deus concedere debuit divino ac virginali Patri suo et dignissimo Mariæ Sponso, similem gratiam impeccabilitatis, et præcipue, gratiam pretio carentem ut immaculatus fuerit a conceptione sua.

Nos hæc sublimia, &c.

R Deo gratias.

R Invenientes Joseph et Maria Jesum in templo Domini, ait Maria ad illum.*Fili quid fecisti nobis sic? Ecce Pater tuus Joseph et ego dolentes quaerebamus te. ¶ Quid est quod me quaerebatis? In his quae Patris mei sunt oportet me esse? Fili....

DIA 22 DE ENERO.

LECTIO I.

—EX PATRIBUS.—

Tanto verius et sanctius conjugium est, quod in solo charitatis vinculo, et non in concupiscentia carnis faederatum est.—*Hugo*.—Maria sciebat Josephum à Spiritu Sancto in Sponsum datum esse.—*Ber.*—Mariam Deus Josepho copulat, non parentes.—*Chryst.*—Joseph per dispensationem omni sermone præstantiorem despondit Mariam.—*Joan Dam.*—Singulari Dei providentia matrimonium Virginis cum Josepho factum est.—*Epif.*—Divinitus incidit concilium, ut sacerdotes darent Mariam cuidam viro, Josepho nomine, desponsatione.—*Greg. Nic.*—Neque enim Mater Domini Jesu, nisi ad possessorem

gratiae demigraret.—*Amb.*—Necessario desponsata est Maria Josepho.—*Ber.*

Nos haec sublimia, &c.

R Deo gratias

R Quanta humilitas in nostro divino Josepho,* Cui cum sua Sponsa Maria ꝛ Deus subdi disposuit, omnique suae creaturae preferre in aeternum decrevit. Cui....

LECTIO II.

SI MARIA EST SINE LABE CONCEPTA, ERGO ET JOSEPH.

2^a Sancta Tridentina Sinodus videtur nobis aperuisse viam, ut Divo Josepho gratiam concederemus suae Conceptionis immaculatae; quoniam postquam sancivit omnes homines peccavisse in Adamo, segregat statim de multitudine innumerabili Sanctissimam Virginem Mariam, tanquam Matrem Jesu; et sicut eadem Virgo in variis locis librorum sanctorum praesentat nobis Dominum Josephum tanquam Jesu Patrem; sic mentem fuisse videtur Concilii Tridentini, divum Josephum eodem modo honorandum; videtur ergo etiam et nos absque dubio similem gratiam illi concedere posse.

3^a Ad ea quae dicta sunt possumus etiam addere quod sicut in Dei comparatione nihil bonum est; similiter in comparatione Mariae et Josephi Parentes Jesu nulla est creatura quae perfecta vocari possit; uterque enim efformant exemplar omnium virtutum, quod genus humanum imitari debet; si nos autem Josepho non concedimus privilegium conceptionis immaculatae, tunc dicere obstringeremur: quod nostri protoparentes Adam et Heva in aliquo tempore, fuere praestantiores Domino nostro Josepho, sicut

etiam digniores accipiendi honorem, gratiam, benedictionem ac laudes cunctorum hominum; ita ergo et tali gradu decuit Divinum Josephum immaculatum esse a conceptione sua.

Nos haec sublimia, &c.

R Deo gratias.

R Potentissime Joseph, tu qui es refugium nostrum et virtus, adesto piis filiorum tuorum praecibus *et praesta ut quod in praesentibus necessitatibus humiliter petimus, efficaciter consequamur. ꝛ Laudate Joseph omnes gentes, laudate eum omnes populi; quoniam confirmata est super nos misericordia ejus. Et praesta....

LECTIO III.

SI JESUS EST SANCTISSIMUS, SIC PARENTES EJUS.

4^a Notabimus praeterea, pereandem doctrinam concludi posse, dicentes: sicut Jesus Christus Dominus Noster, essentialiter est Deus Sanctissimus, et oportuit ut divina ejus Mater Beatissima Virgo Maria tanta puritate niteret quae sub Deo major inveniri nequeat sic etiam decuit ut Joseph talibus privilegiis ornatus appareret, ut suae divinae conjugii de qua natus est Jesus simillimus esset, ideoque purissimus vocari posset si in conceptione sua maculatus fuisset? Declarabimus tandem quod nos cupimus cogitare, dicere et operare juxta sanctiones ac decreta Sanctae Catholicae Ecclesiae et absque eo quod hanc doctrinam improbemus aut approbemus, hunc articulum finiemus, iterum dicentes cum Sancto Bernardino de Bustos: Utrum autem Joseph ab originali macula praeservatus fuerit ipse Deus novit, qui talem sibi Patrem putativum et gubernatorem

humanitatis suæ Purissimæ conjugem super omnes mundi homines elegit.

Nos hæc sublimia, &c.

R Deo gratias.

R Si bona suscepimus de manu Patris nostri Josephi, mala quare non sustineamus? * Dominus dedit, Dominus abstulit, sit nomen Sancti Josephi benedictum. ¶ Nudi egressi sumus de utero Matris nostræ et nudi revertemur in terram.— Dominus....

DIA 23 DE ENERO.

LECTIO I.

—EX PATRIBUS.—

Joseph virum Maria de qua natus est Jesus.

Maria sibi parem fuit in dolore Josephum.—*Hier.*
—Faciamus Mariæ adjutorium simile sibi; et ad hoc munus aptissimus inventus est Joseph.—*Greg. Nic.*—Maria paradisi deliciarum, paradisi voluptatis, genitrix virtutum donata fuit in Sponsa Josepho.—*Ephr.*—Margarita pretiosa orbis terrarum inventa a Josepho, abiit, et vendidit omnia quæ habuit et emit eam. Gaude itaque Joseph, nimiumque congaude virginitate Mariæ qui solus meruisti virginalem affectum possidere conjugii.—*Aug.*—Sacerdotum consilio Joseph puellam Sponsam accepit.—*Greg. Nic.*—In desponsationem puella Joseph a sacerdotibus traditur.—*Joan. Dom.*—Maria manibus sacerdotum Josepho ad custodiam est tradita.—*Epiph.*—Joseph magnus inter viros moribus fidelis, ac specie ipsa religiosus.—*Epiph.*

Nos hæc sublimia, &c.

R Deo gratias.

R Felix noster divinus Joseph cujus Deus se tam familiarem exhibuit, * Cujus gremio sedit, quam toties amplexatus, osculatusque est. ¶ In cujus ulnis tam ubertim quievit. Cujus....

LECTIO II.

UTRUM JOSEPH SINE MACULA FUERIT CONCEPTUS.

Tanquam veri filii catholice Ecclesie et cum submissa manifestatione plenæ obedientiæ erga Sanctam Romanam Sedem, iterum cum Sancto Bernardino de Bustos nobis repetere fas est, in principio hujus secundi articuli super conceptioni Josephi; id est, quod Deus scit an revera illi præclarissimo viro concesserit gratiam ut esset, concepti sine originali peccato; quoniam elegit illum ad altissimam dignitatem et ut inter homines et etiam angelos majorem possideret sanctitatem. "Utrum autem Joseph originali macula præservatus fuerit, ipse Deus novit; qui talem sibi in Patrem putativum et gubernatorem humanitatis suæ et dilectissimæ Sponsæ ac Matris suæ Purissimæ conjugem super omnes mundi homines elegit."

Ex parte nostra, cupimus hanc inserere pulcherrimam gemmam in corona Sanctissimi Josephi, si in manu nostra esset; idcirco Sanctæ Romanæ Ecclesie solemnem declarationem melius spectamus.

Nos hæc sublimia, &c.

R Deo gratias.

R Paucitas dierum meorum finietur brevi, dimitte me Domine Joseph ut plangam paululum dolorem meum, * Antequam vadam ad terram tenebrosam et opertam mortis caligine. ¶ Manus tuæ, Domine Joseph, fecerunt me filium tuum per admi-

rabilem vocationem, et ego peto tibi ullo modo praecipites me in mortem. Antequam....

LECTIO III.

EX MARIA IMMACULATA CONCLUDITUR DIVUM JOSEPHUM IMMACULATUM ESSE.

1^a Cum hanc gratiam Divo Josepho concederemus, non solum illum sanctificatum fuisse in utero Matris ejus; non solum immunem fuisse, antequam nasceretur a peccato originali; sed quod majus est, illum de fatali lapsu a Domino praeservatum fuisse, modo Sanctissimae Virgini similiore; et sicut in nostris temporibus Ecclesia definivit per immortalem Pontificem Pium IX, Mariam sine originali macula conceptam fuisse a primo instante conceptionis suae; ita similiter videtur tempus pervenisse scrutandi qua ratione Divus Joseph conceptus fuit, an etiam talem gratiam illi concedere oporteat.

Dubitare non possumus magnam existere similitudinem inter Dominum Josephum et Virginem Mariam, sicut existit etiam inter Mariam et Jesum; nunc ex dictis collige: si propter Jesu impeccabilitatem essentialem, per gratiam ac privilegium conclusa impeccabilitas Mariae, et per Conceptionem Purissimam Jesu de Spiritu Sancto, in utero Mariae, huic ipsi concessum est privilegium suae Conceptionis Immaculatae; eodem modo similem gratiam nobis videtur concedi potuisse Sancto Domino Josepho eo quod ille sit virginalis Sponsus Mariae.

Si hoc vero ita non est, videtur Spiritum Sanctum in sanctiore ac perfectiore suorum operum post Mariam quod proculdubio Divus Josephus est, omnem perfectionem quam nos illi concedere pote-

ramus, illum concedere non potuisse aut noluisse.

Nos haec sublimia, &c.

R Deo gratias.

R Non abscondas a me, Potentissime Joseph, faciem tuam, manum indignationis tuae longe fac a me.*Memento mei, Domine Joseph, quoniam ventus est vita mea. Ψ Corripe me, bone Joseph, in bonitate et misericordia tua, non in furore tuo ne forte ad nihilum redigas me. Memento....

DIA 24 DE ENERO.

LECTIO I.

—EX PATRIBUS.—

Joseph, virum Mariae, hoc est, prorsus ineffabile et nihil praeterea dici potest.—*Joan. Dam.*—Una fides et unus spiritus erat in eis.—*Amb.*—Habes ergo Joseph cum Maria conjuge commune virginitatem membrorum.—*Aug.*—In Josepho apparuit non parva divinitas.—*Aug.*—Jacob genuit Joseph virum Mariae.... invenimus Justum Filium a Nazareth Joseph.... multis rationibus veritatem fratri adstrui.... non caso reperit, sed multo quaesitum studio invenit.—*Cir. Alej.*—Beata Virgo tradita est Josepho, quo illam sortis necessitas adduxerat.—*Epif.*

Nos haec sublimia, &c.

R Deo gratias.

R Nescio revera quid dicam de incomparabili Sanctissimi Josephi dignitate,*Ea potissimum ratione, qua verus Virginis Sponsus et Pater Jesu Ψ Et utrisque Joseph extitit superior Ea....

LECTIO II.

PROPTER JESU ET MARIE HONOREM CONCEPTIO
IMMACULATA DIVI JOSEPHI DECLARATUR.

Ex alia parte, num pœnam concipere possumus et afflictionem Sanctissimæ Virginis Mariæ, videntis, hoc supposito, suum Sponsum Dominum Josephum in peccato conceptum, subjectum fuisse Satanae saltem in tempore suae conceptionis? Maria inquam Purissima semper, et Joseph puritatem non semper habens? Maria immaculata, Joseph vero secundum caeteros homines maculatus? Maria sicut candida flos quae est in Jericho, et Joseph velut turpis spina peccati? Maria majore pulchritudine insignita, Joseph e contra turpitudine redolens? Maria trahens post se omnes homines odore suavissimo puritatis suae, Joseph culpae originis longe repellens eos? uno verbo, Maria exempta ab originali macula, Joseph autem eadem macula contaminatus? Quod ad nos spectat, cum pio Gersone melius dicemus: sicut decuit ut Maria tanta puritate niteret quae, ut ait D. Anselmus, sub Deo major nequit intelligi; ita decuit ut Joseph talibus esset privilegiis ornatus, ut similitudinem illam exprimerent et convenientiam talis Sponsi, ad talem Sponsam, de qua natus est Jesus. Idcirco et nos adjicimus, oportuisse etiam Josephum absque originis labe concipi, quamvis inferiori modo divinae Mariæ, eo fine ut tantam puritatem illi tribuere possimus.

Insuper et prosequi poteramus dicentes: quod sicut Sanctissimam Virginem benedicere, ac laudare, idem est ac Jesum Christum benedicere et laudare, ille enim est Filius ejus; sic de benedictionibus et

laudibus Josepho concessis, magnus resultat honor Jesu et Mariæ; et sicut dedecus Filii est Pater sine honore, similiter dedecus Sponsae esset Sponsus sine honore derelictus. Quae cum ita sint, num admittere possumus Dominum Josephum involutum fuisse in immunditia et fetore peccati originalis, et hoc factum fuisse ex mandato Filii ejus Domini nostri Jesu Christi, et cum permissione divinae ejus Sponsae Immaculatae, ac semper Virginis Mariæ? Ergo per honorem Jesu et Mariæ, videtur nobis revera concessum fuisse Domino Josepho sine macula esse conceptum ab origine sua.

Nos haec sublimia, &c.

R. Deo gratias.

R. Maria cum mulieribus venit in locum qui dicitur Calvariae, ubi milites crucifixerunt Jesum.* Maria stabat juxta crucem Filii ejus. ¶ Et Beatam Josephi animam omnibus diebus vitae suae, contemplantem Filium suum dilectissimum ab impiis captum, in cruce positum et sepultum doloris gladius pertransivit. Maria....

LECTIO III.

CONCEPTIO JOSEPHI EST CONCEPTIO MARIE
RELATIVA TANTUM.

Cum vero nos praesentemus Dominum Josephum sic honoratum per suam divinam conjugem atque per suum Divinum Filium ex hoc non sequitur, quod nos illum facere velimus, idem ac Maria; sed agitur tantum auferendi ab illo turpitudinem peccati originalis; nos relinquentes adhuc Josephum inter et Mariam aliquam differentiam similem ad eam, quae existit Jesum inter et Mariam, quod juxta

sententiam nostram sequentibus verbis exprimere possemus: Fuit Sanctissima Virgo sine labe originali concepta, et etiam Dominus Joseph; anima Beatissimæ Virginis ab initio tota pulchra fuit, et anima Sanctissimi Josephi ab initio quoque tota pulchra fuit; Maria totis gratiis ornata est quæ sacratissimæ Humanitati Jesu Christi de tinae non erant; Joseph vero omnibus etiam gratiis aductus est quæ Virgini praesignatae non erant: Et sic per Providentiam Dei statutum habebimus, quod tales gratiæ, benedictiones, et excellentiæ Jesu, Mariæ et Joseph, ita unicuique communicatae sunt ut in virtute illarum; Jesus est verus Deus, Maria Mater Dei, Joseph denique dignissimus virginalis Pater ejus, et Sponsus divinae Matris suae. Nunc vero quomodo poterat Divus Joseph dignissimus esse Pater Jesu et purissimus Sponsus Mariæ, si peccato originali maculatus fuisset?

Quæne quod asseruimus, prætera, confirmari potest hoc modo: Maria et Joseph ab æternitate electi fuerunt, ut a' mi essent Parentes Christi, ergo Deus illos ornare debuit talibus gratiis, ut ad vocationem suam in quantum possent idonei essent: ergo quamvis Sanctissima Virgo in statui divini Josephi; iste tamen habere non debuit absolutam disparitatem cum sua Virgine conjugæ, quæ disparitas de facto existeret, et naxima certe, si Maria Virgino sine macula concepta fuisset, Joseph vero sicut cæleri homines hac immunda labe fuisset contaminatus. Ergo Conceptio Josephi, est conceptio immaculata; et ad huc conceptio Mariæ, ut relative tantum.

Nos hæc sublimia, &c.

R. Deo gratias

R. Quæ tibi amaritudo fuit, ó Joseph Pater dolorum, dum Filium tuum Jesum in meditatione considerabas sindone involutum, et positum in monumento.*Considerate et videte si est dolor tamquam dolor suus. ¶ In toto corde tuo genitus Matris tuæ Mariæ ne obliviscaris, ut perficiatur in te propitiatio et benedictio Considerate.

DIA 25 DE ENERO.

LECTIO I.

—EX PATRIBUS.—

Ipsa quipæ Virginitas fructus est nuptiarum.—
Hier.—Florida desponsatio Josephi cum Maria—
Hier.—Tu, Helvicus, dicis Mariam Virginem non permansisse; ego mihi plus vindico, etiam ipsum Joseph Virginem fuisse per Mariam, ut ex virginali conjugio Virgo filius nasceretur.—*Hier.*—Annis omnibus ibat in Jerusalem, solempni die Paschæ et ibat cum Joseph.—*Amb.*—Una generis amplitudo propinquitas cum Deo, quæ non casu cuiquam continget, quemadmodum mundana claritudo generis habebat Joseph in parentes suos.—*Greg. M.*—Habitabit Juvenis cum Virgine et hunc locum Isaiæ de Sancto Josepho cum Maria interpretatur.—*Theoph.*

Nos hæc sublimia, &c.

R. Deo gratias.

R. Magna et incomprehensibilia dona consecutum fuisse nostrum divinum Josephum*Ex conjugio plane divino cum B. V. Maria contracto. ¶ Quia per eum Verus et Virginalis Pater Christi revera futurus erat. Ex.....

Piissimæ

LECTIO II.

UTRUM JOSEPH AB ORIGINALI MACULA
PRÆSERVATUS FUERIT, IPSE DEUS NOVIT.

Maria et Joseph ab æterno electi sunt ut almi essent Christi Parentes; ergo si maternitas divina in Virgine prærequirebat illam immaculatam fuisse ab origine sua; sic et divina paternitas prærequirit in nostro Domino Josepho similem gratiam, eo vel magis quod in exceptione facta a Concilio Tridentino in favorem Mariæ Matris Dei, nobis quodammodo facultatem dedit ut eandem in favore Divi Josephi exemptionem faciamus; asserentes forsitan ad hunc finem Sanctissimam Virginem dixisse pro suo castissimo conjugē: *Ecce Pater tuus et ego dolentes quaerebamus te.* Summatim, juxta sententiam nostram (salvo tamen supremo Ecclesiæ judicio.) Propositio affirmans quod Conceptio Immaculata Sanctissimi Josephi non repugnat divinæ Potestati, adeo nobis credenda putamus; ut nullus textus librorum Sanctorum illi adversetur; quicquid ipsa Sacra Scriptura videtur nos compellere ad illam ad-truendam; et etiam nullæ Sanctæ Ecclesiæ definitioni nullæ denique rectæ et evidenti rationi illa opponitur; sed e contra ostendere possumus illam, esse absolute conformem pietati et bonitati Dei, decori Jesu Christi, desideriis tandem Sanctissimæ Mariæ, erga Josephum suum Sponsum dilectissimum: his positis, iterum, iterumque cum Sancto Bernardino de Bustos dicemus:

«Utrum autem Joseph ab originali macula præservatus fuerit ipse Deus novit, qui talem sibi in Patrem putativum et gubernatorem humanitatis

suae, et dilectissimæ Sponsæ ac Matris suæ Purissimæ conjugem super omnes mundi homines elegit.»

Nos hæc sublimia, &c.

R. Deo gratias.

R. Peccantem me quotidie, et non me paenitentem, timor mortis conturbat me. *Quia in inferno nulla est redemptio, miserere mei, Domine Joseph, et salva Filium tuum. † Sana, dulcissime Joseph, animam meam, quia peccavit contra Deum. Quia....

LECTIO III.

QUOMODO SANCTA ROMANA ECCLESIA

CONCEPTIONEM DIVI JOSEPHI REVERA ADMITTIT.

Conceptio Immaculata quæ, ut nobis videtur Sanctissimo Josepho concedi potest; non est in Ecclesia aliqua novitas recenter introducta, nec multo minus est quædam doctrina ab illa reprobata; sed e contra quodammodo dicere possumus: doctrinam quæ Josephum sejungit de cæteris mortalibus ut illum Mariæ jungatur, in receptione gratiæ immaculatæ a primo instante Conceptionis suæ, esse cum omni veritate ipsius Ecclesiæ doctrinam si rem sub quodam respectu consideramus.

Et requidem vera: Quid enim facit Ecclesia antequam canonizare possit aliquem servum Dei? Unum ante omnia: examini subjicit scripta ejus quæ sint, traduntur hæc in primis hominibus in scientia ecclesiastica versatissimis, theologis etiam ita in facultate sua consummatis, ut si contingeret quod summa theologica Divi Thomæ perderetur, illi denuo illam rescribere possent; dantur quoque profundissimis Scripturariis qui ab initio Genesios usque ad finem

Apocalipseos optime nescunt; et etiam canonistis peritissimis in questionibus difficillimis; historiae denique tractatoribus qui ecclesiasticorum factorum optime notitiam callent; traduntur hominibus ut tandem dicant a Spiritu Sancto inspiratis, eos errare non possunt in suis definitionibus humane loquendo.

Nos haec sublimia, &c.

R. Deo gratias.

R. Domine Joseph, secundum actum meum, noli me judicare; nihil dignum in conspectu tuo egi,* ideo deprecor Patrocinium tuum, ut tu deleas iniquitatem meam. V. Amplius lava me, bone Joseph, ab iniquitate mea et a delicto meo munda me. Ideo...

DIA 26 DE ENERO.

LECTIO I.

—EX PATRIBUS.—

Sed potius discerent fidelia conjugia, multa familiarius se adhaerere membris Christi, quanto potius sent imitari parentes Christi.—*Aug.*—Ut generationis ordo haberet locum, Joseph Pater appellatus est Domini.—*Orig.*—Quia majorem Joseph videbat aetate, propterea cum parentis nomine honorare Jesus voluit.—*Orig.*—Materna propinquitatis juxta Augustinum, nihil Mariae profecisset, nisi feliciter Christum corde, quam carne gestasset; ac de hoc felicitate plenissime gustabatur noster divinus Joseph. Ex catena aurea. PP.—Et si nihil habeat Joseph in hac generatione commune, tamen quod est proprium Patris, quodque nihil infuscat Virginis dignitatem hoc illi facili concedo.—*Chrys.*—Joseph loco Patris assumebatur.—*Joan Dam.*—Joseph quam consti-

tuit Dominus suae Matris solatium, suae carnis nutritium.—*Ber.*

Nos haec sublimia, &c.

R. Deo gratias.

R. Joseph testimonio creditur tanquam divinae Scripturae,* Quia propter conjugium cum beata Virgine fuit revera V. Christi ex Virgine nati unicus testis, et hoc munera omnibus superavit. Quia....

LECTIO II.

SI ROMANA ECCLESIA APPROBAT ESSE IMMACULATAM CONCEPTIONEM DOMINI SANCTI JOSEPHI, ITA ET NOS.

Nunc autem cum in homines doctissimi examini subjicerent scripta omnia illius, quem hodie Sanctum Bernardinum de Busto vocamus, viderunt quod iste non damnaverit cujusdam Auctoris propositionem affirmantem Divum Josephum sine originali peccato conceptum fuisse; viderunt etiam quod in rei veritate dici potest illam propositionem, quodammodo approbavisse, idem Sanctus Bernardinus medijs argumentis quae tanta pietate quae soliditate, ille presentabat ut Divum Josephum, honorare posset cum hac doctrina consolatrice, si illi datum esset: et sicut Sancta Romana Ecclesia, cum opera dijudicaret ejusdem Sancti Bernardini hanc propositionem non damnavit (hoc saltem nos nescimus,) ideo neque nos illam damnavimus; et sicut Ecclesia hoc agendi modo videtur illi dedisse quoddam genus approbationis; sic et nos eam sub quodam respectu approbamus, quamvis ex parte nostra, nihil aliud nisi quod nobis fas est approbemus, secundum veritatem quam in deposito suo Ecclesia Catholica semper servavit.

Nos hæc sublimia, &c.

R Deo gratias.

R Antequam comedam suspiro, et tanquam inundantes aquae sic rugitus meus, *quia timor mortis, iudicii et inferni evenit mihi. ¶ Nihilominus videtur non esse auxilium mihi tamen expecto auxilium meum a Domino Josepho, qui est dignissimus Sponsus Mariae. Quia . . .

LECTIO III.

JESUS ET MARIA SUNT IMMACULATI, ERGO ET JOSEPH.

Etiam attentionem nostram defigere possumus in uno facto, digno equidem consideratione nostra, et circa quod clientes omnes hujus Sanctissimi Patriarchae suam attentionem defixi sunt in admitendo nempe quodam aequalitatis genere inter nomina imo vero inter easdem Personas Jesu, Mariae et Joseph. Igitur Libri Sancti eodem modo ac dicunt Jesus, Maria et Joseph, Jesus, Joseph et Mariae, aiunt simul Joseph, Maria et Jesus; et sicuti in illis nulla divisio assignatur, habemus quod juxta S. Geronimum tria nomina et tres Personae ab illis representatae, secum ferunt magna mysteria, et idcirco unaquaeque illarum personarum nobis dicere potest: *In capite libri scriptum est de me, ut facerem voluntatem tuam.* Hoc idem est ac dicere: Jesu Maria et Joseph, singillatim sumpti, in principio libri vitae collocati sunt, tres enim a primo instante conceptionis suae immunes fuerunt ab omni labe peccati; ergo Joseph absque peccato esse debuit, quamvis inferior valde remaneret suae purissimae conjugii, velut illa magnopere inferior fuit humanitati Sacratissimae Domini Nostri Jesu Christi. Si hoc vero

ita non est dicere compelleremur, quod Divus Joseph sicut et nos miseri peccatores nomen suum scriptum habuit in libro mortis. Hoc autem reverendum Sancta Romana Ecclesia non decervat, nequam nos filii Josephi admitere potuimus.

Nos hæc sublimia &c.

R Deo gratias.

R Induta est caro mea putredine et sordibus pulveris, cutis mea aruit et contracta est *Memento mei, Domine Joseph, quoniam ventus est vita mea. ¶ Dies mei, velocius transierunt, et consumpti sunt absque ulla spe: sed ab isto momento auxilium meum a Domino Josepho, qui etiam est dignissimus Pater Christi. Memento . . .

DIA 27 DE ENERO.

LECTIO I.

—EX PATRIBUS.—

Patris vicem Josephus gerebat, quod ita Deo placuerat.—*Epiph.*—Joseph cui pro specialium praerogativa meritorum, temetipsum filium tradidisti. Ex catena aurea.—*PP.*—Hoc typo Josepho Jesus cum Patrem esse sibi demonstrat qui fabricator omnium, condidit mundum.—*Amb.*—Sis et tu Joseph Pater Christi cura castitatis et honorificentia virginitatis.—*Aug.*—Joseph ex virginitate placuit.—*Bern.*—Pater Domini meruit appellari.—*Hyer.*—Jesus ad Josephum tanquam ad Patrem loquitur.—*Chrys.*—Neque enim, propterea, non erat appellandus Joseph Pater Christi, quia non concubendo genuerat, quandoquidem recte Pater etiam ejus esset, quam non ex sua conjugis procreatum, aliunde adop-